



Adresa: **Ul. Hamdije Čemerlića 39.**
71000 Sarajevo
<http://www.voda.ba>

tel. +387 33 726-410
fax. +387 33 726-423
e – mail: info@voda.ba

Broj: **UP-1/21-3-40-151-5/26**
Datum: **16.07.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica J.P. Međunarodni aerodrom „Sarajevo“ d.o.o. Sarajevo, za donošenje rješenja o vodnoj dozvoli za ispuštanje oborinskih onečišćenih voda sa lokacije izgrađenog kompleksa Međunarodnog aerodroma Sarajevo, s pratećim sadržajima, u ulici Kurta Schorka 36, općina Ilidža, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu J.P. Međunarodni aerodrom „Sarajevo“ d.o.o. Sarajevo daje se vodna dozvola za ispuštanje oborinskih onečišćenih voda s lokacije izgrađenog kompleksa Međunarodnog aerodroma Sarajevo, s pratećim sadržajima, u ulici Kurta Schorka 36, općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije te uviđajem izvršenim na lokaciji objekata, pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono-tehničkom dokumentacijom, koja je služila kao podloga za davanje ove vodne dozvole.
 - 3.2. Da pravno lice, J.P. Međunarodni aerodrom „Sarajevo“ d.o.o. Sarajevo obezbijedi da se sistem za prikupljanje, prečišćavanje i ispuštanje oborinskih onečišćenih voda, kao i izgrađeni objekti za skladištenje naftnih derivata, održavaju u funkcionalnom stanju i koriste u skladu s njihovom namjenom i uslovima iz ove vodne dozvole.
 - 3.3. Da se završe aktivnosti koje obuhvataju pribavljanje odobrenja iz oblasti građenja, uključujući i odgovarajuće vodne akte, te izgradi novi depo goriva na novom lokalitetu. Nakon toga, postojeću benzinsku stanicu potrebno je ukloniti s predmetne lokacije, sve s ciljem zaštite kvantitativnih i kvalitativnih karakteristika akvifera podzemnih voda „Sarajevskog polja“, koji se koristi za javno vodosnabdijevanje.
 - 3.4. Da se do izmještanja benzinske stanice – terminala goriva, skladištenje nafte i naftnih derivata vrši u podzemnim jednoplaznim rezervoarima za dizel gorivo zapremine 40 m³ i 5 m³, kao i u dva rezervoara za skladištenje lož-ulja, koje se koristi kao alternativno gorivo u kotlovnici, kapaciteta 2x50 m³.
 - 3.5. Skladištenje i pretakanje nafte i naftnih derivata, kao i ispitivanje ispravnosti i propusnosti rezervoara za skladištenje, vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i drugim propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.6. Da se redovno vrši ispitivanje ispravnosti i propusnosti rezervoara za skladištenje dizel goriva i lož-ulja, u skladu sa propisima iz ove oblasti. U slučaju da se utvrdi da rezervoar propušta, potrebno ga je odmah staviti van funkcije.
 - 3.7. Čišćenje separatora i pratećih elemenata te odvoz i konačno zbrinjavanje otpadnog mulja, taloga i opasnog otpada s lokacije predmetnog kompleksa aerodroma može vršiti isključivo pravno lice ovlašteno za tu vrstu djelatnosti, na osnovu zaključenog ugovora. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora ulja i masti, potrebno je voditi službeni evidenciju i arhivu.
 - 3.8. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

- 3.9. Korisnik objekta dužan je, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda uzimanjem uzorka efluenta iz okna za monitoring, prije ispuštanja u recipijent, u skladu s članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. navedene Uredbe. Rezultate analiza potrebno je dostaviti ovoj Agenciji.
- 3.10. Korisnik poslovnog objekta obavezan je redovno održavati izgrađene objekte čija je svrha odvođenje i prečišćavanje onečišćenih voda te ih koristi na način koji će obezbijediti njihovu potpunu ispravnost i funkcionalnost, kako bi se postigao propisani kvalitet efluenta.
- 3.11. Da prikupljanje, odvoz i konačno zbrinjavanje opasnog otpada s lokacije predmetnog terminala, s pratećim sadržajima, može vršiti isključivo pravno lice ovlašteno za tu vrstu djelatnosti, na osnovu zaključenog ugovora.
- 3.12. Osigurati priručna sredstva za brzu intervenciju u blizini mjesta utakanja i istakanja, u slučaju nekontrolisanog istjecanja ili prosipanja nafte i naftnih derivata, kako bi se spriječilo moguće onečišćenje voda i tla. Ova sredstva obuhvataju materijal za upijanje, kao što su piljevina, odgovarajući adsorbensi, odgovarajuće posude, uređaje za pretakanje i druga potrebna sredstva).
- 3.13. Sadržaj (mulj) iz uređaja za prečišćavanje otpadnih voda, kao ni opasni otpad, ne smije se odlagati na česticu «vodno dobro», niti u vodotoke i na njihove obale.
- 3.14. Investitor je obavezan pridržavati se svih mjera i uslova propisanih saglasnostima i dozvolama koje su izdali drugi nadležni organi, a koji se odnose na korištenje i zaštitu voda i nisu u suprotnosti s uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije i nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele, te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih onečišćenja i drugih sličnih okolnosti kojima bi mogao biti ugrožen kvalitet podzemnih i površinskih voda, vlasnik, odnosno korisnik predmetnog kompleksa objekata Terminala, obavezan je izvijestiti nadležne organe i poduzeti vanredne mjere po njihovom nalogu te, o vlastitom trošku, otkloniti uzroke štete i nastale štete nadoknaditi.
6. U periodu važenja ove vodne dozvole, pravno lice, odnosno korisnik kompleksa objekata koji pripadaju Međunarodnom aerodromu „Sarajevo s pratećom infrastrukturom, dužan je provoditi sve mjere i aktivnosti propisane istom.
7. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Ukoliko usljed štetnog djelovanja voda, nastalog zbog neizgrađenosti ili nedovoljne osposobljenosti (zaštitnih) vodnih objekata, dođe do nastanka štete na objektima predmetnog kompleksa aerodroma sa pratećim sadržajima, obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj vodnoj dozvoli ne mogu se prenositi na treća lica, a prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama, izdaje se s rokom važenja od 5 (pet) godina, računajući od dana pravosnažnosti ovog rješenja, uz uslov da se realizacija aktivnosti obuhvaćenih tačkom 3. dispozitiva rješenja u cjelosti poštuju.
11. Prije isteka roka važenja ove vodne dozvole investitor, odnosno korisnik objekta, dužan je podnijeti zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1, 2, 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice J.P. Međunarodni aerodrom „Sarajevo“ d.o.o. Sarajevo obratilo se ovoj Agenciji zahtjevom broj 05-1-19-1-6697-199/19 od 06.04.2026 godine radi donošenja rješenja o vodnoj dozvoli za ispuštanje oborinskih onečišćenih voda sa lokacije izgrađenog kompleksa Međunarodnog aerodroma Sarajevo, s pratećim sadržajima, u ulici Kurta Schorka 36, općina Ilidža.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 065-0-RegZ-26-00 2991 od 09.03.2026. godine, izdat od strane Osnovnog suda u Sarajevo;
- Ovjerena kopija Uvjerjenja o poreskoj registraciji, od 22.03.2006.godine, izdatog od strane Porezna uprava - Kantonalni ured Sarajevo;
- Obavještenje o razvrstavanju pravnog lica prema djelatnosti broj: 04-32.5-1-4200068970001/04 od 22.03.2006. godine od strane Službe za statistiku za područje Kantona Sarajevo;
- Dokaz o uplaćenju upravnoj pristojbi;
- Pravilnik o održavanju, korištenju i osmatranju vodnih objekata investitora J.P. Međunarodni aerodrom „Sarajevo“ d.o.o. Sarajevo;
- Monitoring plan zaštite okoline za 2026. godinu broj: 06-19-3-234-0/26 od 06.01.2026. godine;
- Izvještaj o monitoringu kvalitetu i kvantitetu otpadnih voda Međunarodnog aerodroma „Sarajevo“ broj: 7-011-30/26 od 06.01.2026. godine, urađen od strane „TQM“ d.o.o. Lukavac;
- Kopija rješenja o okolinskoj dozvoli broj: UPI 05/2-02-19-5-45/21 od 05.05.2022. godine, izdato od strane Federalnog ministarstva okoliša i turizma;
- Kopija Rješenja o vodnoj dozvoli br. UP-I/25-3-40-015-3/21 od 26.03.2021. godine, izdato od strane «Agencija za vodno područje rijeke Save» Sarajevo;
- Rješenje o izmjeni Rješenja o vodnoj dozvoli UP-I/25-3-40-015-7/21 od 26.03.2024. godine, izdato od strane «Agencija za vodno područje rijeke Save» Sarajevo;
- Kopija rješenja o izmjeni rješenja o okolinskoj dozvoli broj: UPI 05/2-02-19-5-45/21-1 od 10.05.2023. godine, izdato od strane Federalnog ministarstva okoliša i turizma;
- Izvještaj o rezultatima ispitivanja tereta zagađenja otpadnih voda J.P. Međunarodni aerodrom „Sarajevo“ d.o.o. Sarajevo, izraženog preko EBS-a, koji je u oktobru 2025. godine izradilo pravno lice „Inspekt RGH“ d.o.o. Sarajevo,
- Izvještaj o provedbi uslova iz rješenja o vodnoj dozvoli UP-I/25-3-40-015-3/21 od 26.03.2021. godine;
- Zapisnik o inspekcijskom nadzoru broj: UP1-14-21-2-00077/2025-1403-P-1403-1P od 08.07.2025. godine, od strane Federalnog vodnog inspektora;
- Zapisnik o inspekcijskom nadzoru broj: UP-1-14-04-21-00476/26 od 15.01.2026. godine, od strane Kantonalnog vodnog inspektora;
- Transportna dokumentacija za otpad br. 001157 od 03.03.2026. godine, od strane „AIDA_COMMERCE“ d.o.o. Sarajevo;
- Transportna dokumentacija za otpad br. 001158 od 18.03.2026 godine od strane „AIDA-COMMERCE“ d.o.o. Sarajevo;
- Ugovor o ispitivanju otpadnih voda broj: 05-1-25-1-306-5/26 od 04.02.2026. godine, zaključen sa ovlaštenom firmom TQM d.o.o. Tuzla;
- Ugovor o održavanju kanalizacionog sistema broj: 05-1-25-1-362-6/25 od 12.12.2025. godine zaključen sa ovlaštenom firmom „AIDA-COMMERCE“ d.o.o. Sarajevo;
- Rješenje o vodnoj dozvoli broj: 07-05-21-1546/20 od 16.03.2023. godine izdato od strane Ministarstva privrede Kantona Sarajevo;
- Obavijest o stavljanju podzemnih rezervoara van upotrebe, broj 03-1-27-3-6768-182/19 od 21.05.2026. godine;
- Obavijest o izmjenama uslova poslovne saradnje sa HIFA OIL d.o.o. Tešanj broj: 06-27-3-6768-175/19 od 06.05.2026. godine;
- Odluka o stavljanju tri rezervoara za gorivo van upotrebe broj: 05-1-27-3-6768-180/19 od 14.05.2026. godine;
- Izvještaj o monitoringu kvalitetu i kvantitetu otpadnih voda Međunarodnog aerodroma „Sarajevo“ broj: 453E1/26 od 23.03.2026. godine, urađen od strane „Inspekt RGH“ d.o.o. Sarajevo;

- Izvještaj o monitoringu kvalitetu i kvantitetu otpadnih voda Međunarodnog aerodroma „Sarajevo“ broj: 453E2/26 od 23.03.2026. godine, urađen od strane „Inspekt RGH“ d.o.o. Sarajevo;
- Dokumentacija (Rješenje o upotrebi objekata i kolektora oborinskih voda, uvjerenje o položaju objekata u odnosu na vodozaštitnu zonu „Sarajevsko polje“, saglasnost za priključak na kolektor) se nalazi u spisu UP-I/25-3-40-742-1/15;
- Rješenje o odbijanju broj: UP1-03-19-2-385/21 od 13.09.2023. godine, izdato od strane Federalnog ministarstva prostornog uređenja – kopija;
- Rješenje o odbijanju broj: UP1-03-19-2-385/21 od 28.01.2026. godine, izdato od strane Federalnog ministarstva prostornog uređenja – kopija;
- Presuda broj: 09 0 U 045218 23 U od 22.12.2025. godine, Kantonalni sud u Sarajevu;
- Rješenje o prethodnoj vodnoj saglasnosti broj: 07-05-21-496/22 od 05.09.2022. godine, izdato od strane Ministarstva privrede Kantona Sarajevo – kopija;
- Kopija Rješenja o prethodnoj vodnoj saglasnosti broj: UP-1/25-1-40-234-6/22 od 17.06.2022. godine, izdato od strane «Agencija za vodno područje rijeke Save» Sarajevo;
- Akt J.P. Međunarodni aerodrom „Sarajevo“ d.o.o. Sarajevo broj: 05-1-19-1-6697-203/19 od 07.07.2026. godine sa prilogom - Izvještajem o korometrijskom ispitivanju rezervoara, koji je 18.06.2026. godine izradilo pravno lice „DELTA PETROL“ d.o.o. Kakanj;
- Mjesečni pregled vodovodne i kanalizacione mreže, radni nalog broj: 34352 od 06.05.2026. godine;
- Izvještaj za izvršeni pregled prema RN 31827 od 03.06.2025, godine i mašinskom čišćenju separatora ulja i masti,
- Podaci o karakteristikama rezervora za lož ulje dostavljeni 16.07.2026 godine elektroskim putem od strane J.P. Međunarodni aerodrom „Sarajevo“ d.o.o. Sarajevo.

B. Tehnička dokumentacija

- Projekat izvedenog stanja i prijedlog novog projektovanog rješenja prikupljanja, tretmana i ispuštanja otpadnih voda iz objekta aerodroma, koji je izradio „Zavod za vodoprivredu“ d.d. Sarajevo, maj 2015. godine, dostavljen na CD-u;
- Glavni projekat novog primarnog kolektora brza izlazna rulnica (D), zaobilazna izlazna rulnica (E), i novi drenažni sistem na MAS, urađen od strane „IPSA INSTITUT“ d.o.o. Sarajevo, novembar 2010. godine – a u koji je izvršen uvid prilikom uviđaja;
- Projekat izvedenog stanja atmosferske kanalizacije i fekalne kanalizacije urađen od strane GEOBIRO d.o.o. Konjic, dostavljen na CD-u.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-151-2/26 dana 03.06.2026. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće: Međunarodni aerodrom Sarajevo, s pratećim sadržajima, nalazi se pored magistralnog puta M-18 Sarajevo-Trnovo u ulici Kurta Schorka 36, općina Ilidža.

Prema Odluci o zaštiti izvorišta za piće u Sarajevskom polju, Međunarodni aerodrom „Sarajevo“ i benzinska pumpa se nalazi u III vodozaštitnoj zoni.

Na predmetnoj lokaciji nalaze se sljedeće cjeline: poletno-sletna staza, rulne staze (A,B,C), platforma, putnički Terminal B, Cargo centar, administrativno-poslovni objekat, objekat administracije (stara upravna zgrada), objekat održavanja sa radionica i trafostanicom, vatrogasna stanica, kotlovnica, ekskluzivni VIP salon, kontejnerski blok špedicije i carine, kontejneri „NACO 1 i 2“, kontejnerski blok restorana, šatori za skladištenje opreme, hangar A, duplex hangar, terminal za snabdijevanje zrakoplova gorivom i parking prostori.

Snabdijevanje izgrađenog kompleksa aerodroma Sarajevo vodom za piće vrši se priključkom na javni vodovodni sistem kojim upravlja KJKP „Vodovod i kanalizacija“ d.o.o. Sarajevo.

Oborinske onečišćene vode sa saobraćajnih površina aerodroma (pista, platforma i dio rulnice) se putem slivničkih sklopova i sekundarnih kišnih kolektora, odvođe do primarnih kolektora, a potom prema rijeci Željeznici.

U prvoj fazi izgradnje odvodnog sistema položena su dva paralelna primarna kolektora nominalnog prečnika DN 1200 mm.

Prvi kolektor odnosno stari rekonstruisani primarni kolektor, prihvata dotok oborinskih voda iz postojećeg sistema, odnosno iz starih kolektora odvodnje s aerodromske piste, koje se putem kanala odvođe do revizionog okna a zatim u rijeku Željeznicu - mjerno mjesto E1.

Drugi, novi primarni kolektor prihvata oborinske vode sa dijela platforme za parkiranje zrakoplova. Vode se preko separatora ulja i masti kapaciteta 125 l/s, premljenog koalescentnim filterom, odvođe u reviziono okno, a zatim u rijeku Željeznicu - mjerno mjesto E2.

Otpadne vode sa novog dijela platforme za parkiranje zrakoplova prečišćavaju se preko separatora ulja i masti (kapaciteta 150 l/s), a potom preko okna za monitoring ispuštaju u rijeku Željeznicu na mjernom mjestu E6.

Oborinske onečišćene vode sa tri parkinga i pripadajućih saobraćajnica odvođe se putem slivnih rešetki, sistema slivnika i kanalizacionih cijevi odvođe u tri separatora ulja i masti sa koalescentnim filterima, kapaciteta dva po 40 l/s i jedan 30 l/s. Prečišćene vode se preko revizionih okana ispuštaju u gradski kanalizacioni sistem, odnosno zacijevljeni kanal magistralne saobraćajnice položen uz ogradu aerodroma - mjerno mjesto E3, E4 i E5.

Na lokaciji Međunarodnog aerodroma Sarajevo nalazi se benzinska stanica sa pratećim sadržajima, odnosno terminal za snabdijevanje aviokompanija gorivom. U sklopu benzinske stanice nalaze se administrativne prostorije sa sanitarnim čvorom, jednoplašni podzemni rezervoari, kontejner za čuvanje uzoraka goriva, separator ulja i masti, pretakalište sa razvodnom cjevnom instalacijom i kontejner za otpadna ulja i masti.

Oborinska onečišćena voda sa asfaltnih i betonskih površina terminala se putem kanala sa rešetkom i uličnim slivnicima odvođa do separatora ulja, masti i naftnih derivata sa koalescentnim filterom a potom u upojni bunar.

Izvršeno je ispitivanje rezervoara za skladištenje avio goriva, odnosno podzemnih jednoplašnih rezervoara ukupne zapremine 300 tona (3x100 tona). Zbog dotrajalosti, navedeni rezervoari stavljeni su van funkcije. Snabdijevanje aviogorivom - kerozinom se vrši s terminala pravnog lica HIFA OIL d.o.o. Tešanj, prema sklopljenom ugovoru, do izgradnje vlastitog terminala.

Skladištenje dizel goriva se vrši u podzemnim jednoplašnim čeličnim rezervoarima zapremine 40m³ i 5m³.

Također, izvršeno je ispitivanje i dostavljen atest za podzemne jednoplašne rezervoare za dizel gorivo zapremine 40m³ i 5m³.

U Izvještaju o korometrijskom ispitivanju rezervoara urađenom od strane „DELTA PETROL“ d.o.o. Kakanj od 18.06.2026. godine, navedeno je da su rezervoari ispravni za skladištenje goriva.

Kotlovnica kao osnovni energent koristi prirodni gas. Uskladištenje tečnog goriva (lož ulja) vrši se u rezervoarima u neposrednoj blizini kotlovnice. Za potrebe korištenja alternativnog energenta-lož ulja kotlovnica posjeduje dva rezervoara ukupnog kapaciteta 100 m³ (2x50 m³).

Rezervori za lože ulje koje se koristi kao alternativno gorivo u kotlovnici su obezbijeđeni u skladu sa propisima odnosno postavljeni u armirano betonsku tankvanu.

Podnosilac zahtjeva je u svom izjašnjenju o provedbi uslova iz ranijeg rješenja, dostavljenom uz zahtjev za izdavanje ovog rješenja o vodnoj dozvoli, obrazložio razloge zbog kojih obaveze iz tačke 3.2. navedenog rješenja o vodnoj dozvoli nisu izvršene u ostavljenom roku. U izjašnjenju je navedeno, a što je utvrđeno i uvidom u dokumentaciju dostavljenu uz zahtjev da je podnosilac zahtjeva blagovremeno poduzeo sve aktivnosti i radnje radi ispunjenja obaveza propisanih navedenom tačkom rješenja o vodnoj dozvoli.

Prema izjavi podnosioca zahtjeva, u proteklom periodu provedene su sljedeće aktivnosti povezane sa izvršavanjem obaveze iz tačke 3.2. rješenja o vodnoj dozvoli:

- Riješeni su imovinsko-pravni odnosi za lokaciju na kojoj se planira izgradnja terminala za goriva za MAS. Lokacija novog terminala nalazi se na istočnom kraju kompleksa aerodroma. Nova lokacija se nalazi u blizini vanjske ceste čime će biti olakšano dopremanje goriva.

- J.P. Međunarodni aerodrom „Sarajevo“ d.o.o. Sarajevo je dana 22.06.2021. godine podnio zahtjev za izdavanje Urbanističke saglasnosti za izgradnju novog terminala, pumpe za gorivo i laboratorijskog prostora za ispitivanje kvaliteta goriva. Pribavljene su potrebne saglasnosti i urađena projektna dokumentacija. Trenutni status postupka za ishodovanje Urbanističke saglasnosti je taj da je uložena tužba na Rješenje o odbijanju zahtjeva za izdavanje Urbanističke saglasnosti.

Važno je napomenuti da Podnosilac zahtjeva i dalje poduzima aktivnosti na izgradnji novog terminala, pumpe za gorivo i laboratorijskog prostora za ispitivanje kvaliteta goriva, kako se navodi u izjašnjenju, a za šta su i u novom poslovnom planu 2025-2027. godine predviđena značajna sredstva.

Obaveza izmještanja pumpne stanice za gorivo sa sadašnje lokacije i lokacija za izgradnju novog depoa goriva predviđene Master planom Međunarodnog aerodroma Sarajevo. Master plan je inkorporiran u prostorni plan Kantona Sarajevo.

Podnosilac zahtjeva je priložio dokaze o održavanju kanalizacione mreže.

Za predmetni kompleks je pribavljeno Rješenje o okolinskoj dozvoli broj: UPI 05/2-02-19-5-45/21 od 05.05.2022. godine izdato od strane Federalnog ministarstva okoliša i turizma.

Takođe je za snabdijevanje vodom i ispuštanje sanitarnih otpadnih voda pribavljeno Rješenje o vodnoj dozvoli od strane Ministarstva privrede Kantona Sarajevo.

Podnosilac zahtjeva putem ovlaštene laboratorije redovno vrši ispitivanje kvaliteta oborinskih onečišćenih voda (na ispustu u rijeku Željeznicu, sa lokacije benzinske pumpe prije ispusta u upojni bunar i nakon tretmana na tri postojeća separatora na parking prostoru a prije ispuštanja u odvodni kolektor prema rijeci Dobrinji). Uzorci se uzimaju iz okna za monitoring, a rezultati ispitivanja u skladu su sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, J.P. Međunarodni aerodrom „Sarajevo“ d.o.o. Sarajevo, ispunio minimum uslova za izdavanje vodne dozvole za ispuštanje oborinskih onečišćenih voda sa lokacije izgrađenog kompleksa Međunarodnog aerodroma Sarajevo sa pratećim sadržajima, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- J.P. Međunarodni aerodrom „Sarajevo“ d.o.o. Sarajevo, ul. Kurta Schorka 36, Sarajevo
- Ⓢ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo